



CHIESA EVANGELICA RIFORMATA  
GRIGIONESE  
BASEL GIA EVANGELICA REFURMADA  
DAL GRISCHUN  
EVANGELISCH-REFORMIERTE  
LANDESKIRCHE GRAUBÜNDEN  
LOËSTRASSE 60, 7000 CHUR  
TEL. 081 - 257 11 00, FAX 081 - 257 11 01  
E-MAIL [landeskirche@gr-ref.ch](mailto:landeskirche@gr-ref.ch)  
HOMEPAGE [www.graubuenden-reformiert.ch](http://www.graubuenden-reformiert.ch)

## **Publicaziun nr. 669**

### **Atun 2015**

Il Cussegl da la Baselgia evangelica preschenta a las suprastanzas da las raspadas ed als colloquis las suandantas tractandas ed infurmaziuns per tractar quellas, respectivamain per orientaziun.

# Cuntegn

<b>I. Consultaziun</b>	<b>4</b>
1. Tractandas	4
<b>II. Communicaziuns ed enquistas dal Cussegl da baselgia</b>	<b>4</b>
<b>III. Rapports colloquials</b>	<b>4</b>
2. <i>Furmar</i> la raspada	4
3. Occurrenzas colloquialas	5
4. Instrucziun da religiun 2015/2016	5
5. Visitaziuns d'archivs	6
6. Rapports dals (da las) preditgant(a)s laic(a)s	7
7. Moziuns, intimaziuns e propostas	7
<b>IV. Diversas infurmaziuns</b>	<b>8</b>
8. Resumaziun dals resultats dals colloquis da primavaira	8
9. Collecta da Tschuncaisma 2016-18	12
10. Giubileums	13
11. Proceder tar pravendas vacantas	14
12. Sessiuns dal Cussegl grond evangelic 2015/2016	14
13. Sesidas dal Cussegl da baselgia 2015/2016	14
14. Termins dals colloquis d'atun 2015	15

15. Termins dals colloquis da primavaira 2016	15
16. Spediziun dals protocols colloquials	16
Agiunta (adressas)	17

# **I. Consultaziun**

## **1. Tractandas**

I na dat naginas tractandas.

# **II. Communicaziuns ed enquistas dal Cussegl da baselgia**

I na dat naginas communicaziuns.

# **III. Rapports colloquials**

## **2. *Furmar* la raspada**

Questa tractanda serva al barat d'ideas davart projects da *Furmar* la raspada planisads u gia realisads en las corporaziuns dal colloqui, per far enconuscent quels sur las corporaziuns ora.

### **3. Occurrenzas colloquialas**

Il Cussegl da baselgia spetga il rapport davart las occurrenzas colloquialas dapi il colloqui d'atun 2014 sco conferenzas pastoralas, retratgas, occurrenzas a favur da la scolaziun da perfecziunament, festas circuitalas ed uschia vinavant. En la proxima publicaziun da primavaira vegnan questas indicaziuns publitgadas.

Il Cussegl da baselgia supplitgescha ils colloquis, da numnar tar las conferenzas pastoralas er las tematicas. Be ina glista dals termins na fa betg senn. Ils rapports servan ad auters colloquis sco bursa d'ideas. Perquai gidan indicaziuns precisas davart referentAs e tematicas tractadas.

### **4. Instrucziun da religiun 2015/2016**

Il Cussegl da baselgia dumonda er per quest onn da scola las datas per l'instrucziun da religiun entras il post da l'instrucziun da religiun.

Tar problems areguard l'instrucziun da religiun en quest onn da scola pon las plaivs sa volver directamain a la manadra dal post da l'instrucziun da religiun (adressa en l'aggiunta).

Il model 1+1 è vegnì realisà en il stgalim aut. Igl è anc avert la dumonda, sco che quest model vegn realisà cun il plan d'instrucziun 21 en il stgalim primar da la scola.

Las duas baselgias chantunalas envidan perquai mesemna saira, ils 18 da november 2015 ad in'occurrentza d'infurmaziun cun workshops. Tema: «Religiöse Bildung im Modell 1+1 (Rückblick - aktueller Stand - Ausblick)». Infurmaziuns dat la manadra dal post da l'instrucziun da religiun (adresa en l'aggiunta).

## **5. Visitaziuns d'archivs**

Sin basa da l'art. 6 dal reglament davart il drizzar en e manar archiv en las plaivs ha il Cussegl da baselgia decretà l'atun 2014 la visitaziun generala da tut ils archiv (partiziun pravenda e plaiv). Ils rapports davart ils resultats da questas visitaziuns èsi da trametter als colloquis avant las tschantadas d'atun 2015. Il Cussegl da baselgia spetga il rapport dals colloquis davart ils resultats da las visitaziuns d'archivs en il protocol da la tschantada d'atun.

Tar mintga midada en la pravenda èsi da far ina visitaziun d'archivs extraordinaria da la part da la pravenda da l'archiv. Quella vegn fatga d'in commember da la cumissiun d'archivs da la baselgia chantunala.

Il Cussegl da baselgia supplitgescha las suprastanzas dals colloquis d'esser attentas ch'il president da la cumissiun d'archivs, rev. Kurt Bosshard, vegnia infurmà, avant che in u ina reverenda u provisur(a) fa midada (adresa en l'aggiunta). Tenor reglament 821 vegn quella visitaziun pajada da la corporaziun.

## 6. Rapports dals (da las) preditgant(a)s laic(a)s

Ils preditgants laics / las preditgantas laicas scrivan per mauns dal colloqui responsabel in rapport davart lur activitads durant l'onn 2014/2015, quai tenor art. 13 cif. 6 dal "Reglament davart la legitimaziun per servetschs pastorals en il Grischun" (910).

Il Cussegl da baselgia spetga quests rapports ensemen cun il protocol colloquial per invista. Sch'in(a) preditgant(a) laic(a) vul sa retrair dal servetsch, basti da notar quai en il protocol.

La proxima dieta per preditgant(a)s laic(a)s ha lieu sonda, ils 24 d'october 2015.

## 7. Moziuns, intimaziuns e propostas

Il colloqui po tenor art. 21 cif. 3 da la constituziun da la Baselia evangelica reformada dal Grischun surdar moziuns, intimaziuns e propostas al Cussegl da baselgia. Singuls colloquials na pon inoltrar naginas moziuns, intimaziuns e propostas. Quai po be capitar tras il colloqui.

I sto esser evident, sch'i sa tracta d'ina *moziun*, d'ina *intimaziun* u d'ina *proposta*:

- Sch'ina *moziun* vegn acceptada ha quai per consequenza la midada d'ina lescha.
- Ina *proposta* è in'idea concreta ed elavurada. Ella formulescha finamiras e mesiras pussiblas.
- Ina *intimaziun* è in'idea, tge che pudess vegnir fatg en in tshert sector.

Tar tut las moziuns, intimaziuns u propostas d'in colloqui sto vegnir nudà il resultat precis da las votaziuns.

Sch'il Cussegl da baselgia accepta *moziuns*, vegnan quellas suttamessas als colloquis ed a la sinoda per la consultaziun. Suentar vegnan questas tractadas definitivamain dal Cussegl grond evangelic. Moziuns acceptadas han per consequenza ina midada da la lescha. Sch'il Cussegl da baselgia refusa moziuns, motivescha el quai en il rapport uffizial.

Sch'il Cussegl da baselgia accepta *intimaziuns e propostas*, ha el la pussibilità da vegnir sez activ en il senn da quellas. Sch'il Cussegl da baselgia refusa intimaziuns e propostas, motivescha el quai en il rapport uffizial.

## **IV. Diversas infurmaziuns**

### **8. Resumaziun dals resultats dals colloquis da primavaira**

Per infurmar tut ils colloquials vegn preschentà qua ina resumaziun da las discussiuns e da las decisiuns concernent las tractandas sco da las moziuns, intimaziuns e propostas a maun dal Cussegl da baselgia dals colloquis da primavaira.



## **Revisiun parziala da l'art. 16 e 17 dal Regulativ davart la structura e la vita da la plaiv (210)**

Il cuntegn da la revisiun parziala pon ins leger en la Publicaziun nr. 668, p.5ss.

La gronda part dals colloquis accepta la revisiun parziala. I veggan proponids singuls midaments:

Il *colloqui III* dumonda il Cussegl da baselgia d'auzar il dumber da las lecziuns da l'instrucziun da confirmands (art. 17 al. 2) da 72 lecziuns sin 76 lecziuns.

Il *colloqui VII* dumonda il Cussegl da baselgia da cumplettar l'art. 16 al.1 sco segua: „<sup>1</sup> L'instrucziun ha da dar vinavant e da promover l'encletga da texts biblics e da furmas da viver cristianas.“

## **Revisiun parziala da l'art. 22 dal Regulativ davart la structura e la vita da la plaiv (210)**

Il cuntegn da la revisiun parziala pon ins leger en la Publicaziun nr. 668, p.54s.

Cun excepziun dal colloqui V acceptan tut ils colloquis la revisiun. I veggan dumandà da midar il sequent :

*Colloqui III:* <sup>2</sup> Furmas da la pastoraziun èn visitas a chasa ed a l'ospital, visitas en chasas da tgira, discurs cun singuls u en gruppas, accompagnament da grev malsauns e da lur parents en il Palliative Care. Il reverenda suttastat al secret professional. Ses collavuratur èn obligads a la discreziun.

*Colloqui VI:* <sup>2</sup> Furmas da la pastoraziun èn visitas a chasa ed a l'ospital, visitas en chasas da tgira, discurs cun singuls u en gruppas, er en il rom dal Palliative Care. Il reverenda suttastat al secret professiunal. Ses collavuratur èn obligads a la discreziun.

*Colloqui VII:* <sup>2</sup> Furmas da la pastoraziun èn surtut visitas a chasa ed a l'ospital, visitas en chasas da tgira, discurs cun singuls u en gruppas, Palliative Care. Il reverenda suttastat al secret professiunal. Ses collavuratur èn obligads a la discreziun.

*Colloqui X:* <sup>1</sup> La pastoraziun è in'incumbensa da l'entira plaiv ed exprima la cuminanza cristiana. Ella tutga surtut tar las incumbensas dal reverenda ~~ed dad auters collavuratur~~ e dals collavuratur socialdiaconics da la plaiv.

### **Controlla da contracts da lavur cun reverendas e provisor(a)s**

Divers colloquis vesan en la mesira proponida in bun servetsch da l'administraziun, per auters sa mussa ina tendenza da centralisaziun dal Cussegl da baselgia.

Il Cussegl da baselgia porscha tras l'administraziun sin basa voluntara da preparar ils contracts da lavur, quai sco servetsch per las plaivs. In contract da lavur ch'il Cussegl da baselgia avess d'approvar, sto en mintga cas correspunder a las pretaisas chantunalas.

## **La dumonda sequenta è vegnida suttamessa al Cussegl da baselgia:**

*Colloqui VIII: Nua è quai fixà che las suprastanzas da las corporaziuns avessan d'avair responsabels per l'EMC ?*

Actualmain na datti nagin reglament che prescrivess ils ressorts en las suprastanzas da las corporaziuns. Fundamentalmain èsi reglà en l'art. 3 da la costituziun da la baselgia chantunala: "En il rom dals urdens da la baselgia chantunala accomplescha la plaiv ses duairs autonomamain. Ella è responsabla per ils servetschs che vegnan executads en ella, surtut per cults divins regulars, instrucziun, pastoraziun, diaconia e la facultad ad ella affidada." En la brochura «Kirche praktisch» vegnan descrits ils champs da lavur per il ressort "Ecumena, missiun, svilup, sco er migraziun e fugitivs". Sco che quest ressort vegn definì en detagl, stat en la cumpetenzza da la suprastanza.

## **L'intimaziun sequenta è vegnida tar il Cussegl da baselgia:**

*Il colloqui V intimescha da discutir e da sclerir la diffusiuin teologica ch'i dat tranter benedicziun/copulaziun e benedicziun/battaisem.*

Il decanat prevesa da laschar elavurar il rapport da 10 onns a la sinoda 2017 cun il tema «Entwicklung der Kasualpraxis». Il decanat vegn a furmar ina grupp da lavur che vegn proponida per la tschern a la sinoda 2016. La grupp da lavur vegn incumbensada da s'occupar en ses rapport cun l'intimaziun dal colloqui V.

## 9. Collecta da Tschuncaisma 2016-18

En collavuraziun cun il HEKS sustegna nossa baselgia la promoziun da la generaziun giuvna dals Roma en l'Ungaria.

L'integrasiun dals Roma è ina gronda sfida per l'Ungaria. Dals 10 milliuns abitants da l'Ungaria èn var 750'000 Roma. 70 pertschient da quels èn senza lavur, 90 pertschient vivan en povertad, dus terzs èn pli giuvens che 30 onns. La convivenza tranter ils Roma e la populaziun da maioritad è plaina da tensiuns ed engrevgiada da pregiudizis.

La baselgia reformada en l'Ungaria vul contribuir sia part ad ina convivenza paschaivla. Ina funcziun impurtanta han las singulas plaivs. Ellas pon intervegnir là, nua ch'igl ha lieu la convivenza quotidiana en las vischnancas e las citads. Là vivan umans cun pregiudizis, là datti marginalisaziuns e conflicts. Ma là datti er la pussibilità d'eriger punts tranter las duas gruppas da la populaziun.

Tras il project datti la pussibilità da vegnir a conoscher in'otra realitad da la vita en l'Europa da l'ost, sco quella ch'ins conoscha uschiglio en Svizra.

En pli èsi pussibel d'organisar partenadis tranter plaivs. Las pli bleras plaivs là avessan interess. I sa tracta d'avair contacts ed eventualmain da far visitas e da barattar experientschas. Sche Vus avais interess en quella direcziun, p.pl. prender si contact cun la cumissiun d' EMC.

Il HEKS realisescha en ils proxims trais onns projects per uffants e giuvenils dals Roma en 15 plaivs. Tras rapports, visitas ed ina collavuratura al lieu vegnan ils projects evaluads e lur efficienza controllada. En ils projects èn involvids voluntaris da las plaivs. Sper atgnas contribuziuns finanzialas èn previsas er contribuziuns da las vischnancas politicas localas.

## 10. Giubileums

Las suprastanzas dals colloquis ed ils consistoris pon communitgar en il protocol colloquial giubileums da servetsch (20, 25 u 30 onns da servetsch) d'impiegadas ecclesiasticas e da collavuraturas voluntaras.

Questas communicaziuns pon vegnir agiuntas al protocol u er vegnir communitgadas separadamain ed en scrit al viceactuar dal Cussegl da baselgia: Rüdiger Döls (adressa en l'aggiunta). Giubilars e giubilaras survegnan sper la renconuschientscha da la plaiv u dal colloqui ina charta d'engraziament dal Cussegl da baselgia. Tgi che ha lavurà dapli che 20 onns per ina plaiv e sa retira ussa, po er vegnir communitgà. El/la survegn in document.

**Igl è indispensabel, che las communicaziuns cuntengan ils nums entirs e l'adressa precisa. Plinavant sto vegnir notada la funcziun ed ils onns precis dal servetsch.**

## **11. Proceder tar pravendas vacantas**

Sin la homepage da la baselgia chantunala [www.gr-ref.ch/downloads](http://www.gr-ref.ch/downloads) chattan ins in fegl d'infurmaziun davart il proceder recumandà tar la tscherna d'in nov reverenda.

## **12. Sessiuns dal Cussegl grond evangelic 2015/2016**

- mesemna 11.11.2015 (di entir), edifiz dal cussegl grond
- mesemna 01.06.2016 (suentermesdi), edifiz cussegl gr.
- mesemna 09.11.2016 (di entir), edifiz dal cussegl grond

## **13. Sesidas dal Cussegl da baselgia 2015/2016**

Il Cussegl da baselgia fa mintga mais ina sesida. Giavischs al Cussegl da baselgia duain vegnir communitgads almain trais emnas avant il termin correspondent a l'administraziun.

**Termins da las sesidas 2015:** 20 d'avust, 17 da settember, 22 d'october, 19 da november, 17 da december.

**Termins da las sesidas 2016:** 28 da schaner, 25 da favrer, 17 da mars, 14 d'avrigl, 19 da matg, 9 da zercladur, 7 da fanadur, 25 d'avust, 22 da settember, 27 d'october, 17 da november, 15 da december.

## **14. Termens dals colloquis d'atun 2015**

Colloqui I	Sur igl Uaul	12 da sett.
Colloqui II	Schons-Avers-Val Rain-Mesauc	09 da sett.
Colloqui III	Sut igl Uaul	16 da sett.
Colloqui IV	Cuira	15 da sett.
Colloqui V	Signuradi-Tschintg vitgs	09 da sett.
Colloqui VI	Scanvetg - Churwalden	16 da sett.
Colloqui VII	Engiadin'Ota - Bregaglia - Poschiavo - Surses	09 da sett.
Colloqui VIII	Engiadina Bassa - Val Müstair	16 da sett.
Colloqui IX	Partenz	09 da sett.
Colloqui X	Tavau - Alvra	16 da sett.

## **15. Termens dals colloquis da primavaira 2016**

Nus supplitgain ils actuars e las actuaras da notar en il protocol ils termens dals colloquis da primavaira 2016.

## 16. Spediziun dals protocols colloquials

La tschentada dal Cussegl da baselgia, nua ch'ils protocols dals colloquis vegnan evaluads, ha lieu en october. Las actas respectivas vegnan tramessas en settember.

Nus essan cuntents sche Vus tramettais pli svelt pussibel ils protocols en furma electronica (sche pussibel sco datoteca word) al viceactuar dal Cussegl da baselgia, Rüdiger Döls (adressa en l'aggiunta).

Ils protocols sin palpieri incl. agiuntas èsi da suttascriber e da trametter enfin ils 30 da settember 2015 er al viceactuar dal Cussegl da baselgia.

**Preavis:** Ils protocols dals colloquis da primavaira 2016 èsi d'inoltrar enfin ils 15 d'avrigl 2016.

Cuira, fanadur 2015

Cussegl da baselgia



Andreas Thöny  
president



Kurt Bosshard  
actuar



## **Agiunta (adressas)**

### **actuar dal Cussegl da baselgia**

Pfr. Kurt Bosshard  
Loëstrasse 60  
7000 Chur  
081 257 11 00  
kirchenratsaktuar@gr-ref.ch

### **viceactuar dal Cussegl da baselgia**

Pfr. Rüdiger Döls  
Loëstrasse 60  
7000 Chur  
081 257 11 00  
ruediger.doels@gr-ref.ch

### **post d'instrucziun da religiun**

Pfrn. Ursula Schubert  
Loëstrasse 60  
7000 Chur  
081 252 62 39  
ursula.schubert@gr-ref.ch

### **Homepage da la baselgia chantunala**

[www.gr-ref.ch](http://www.gr-ref.ch)